

四庫全書

史部

欽定四庫全書

十六國春秋卷二十三

前燕錄一

慕容廆

慕容廆字奕落瓌鮮卑人也本出於昌黎之棘城昔高
辛氏遊於海濱留少子厭次以君北夷遂世居遼左邑
於紫濛之野號曰東胡其後與匈奴並盛控弦之士二
十餘萬風俗官號與匈奴畧同秦漢之際為匈奴所敗

分保鮮卑山因以為號其十一世祖乾歸者

乾歸述異記作乾羅

見

神著金銀襦鎧乘白馬金銀鞍勒自天而墜鮮卑神之推

為君長曾祖莫護跋魏初帥諸部落大人自塞外入居遼

西從司馬懿討公孫淵有功拜率義王始建王府

一作國

於棘城之北時燕代少年多冠步搖冠跋見而好之乃

欽髮襲冠諸部因呼之為步搖其後音訛為慕容遂以

慕容為氏祖木延左賢王從母丘儉征高驪有功加號

大都督左賢王父涉歸一名奕落韓以金柳城之勲進

拜鮮卑單于遷邑遼東北於是漸變胡風自云慕二儀
之德繼三光之容即以慕容為姓庖幼而魁岸美姿貌
身長八尺雄傑有大度晉安北將軍張華雅有知人之
鑒庖童壯時往謁之華甚歎異謂曰君長必為命世之
器定難濟時者也因以所服冠一作憤簪遺之以結殷勤

晉武帝太康二年冬涉歸始寇昌黎安北將軍嚴詢敗

走之斬獲萬計太康四年涉歸卒弟耐一作刪篡立將謀

殺庖庖年十五出避難追者急乃走匿於遼東徐郁家

入其屋以席自障追者入屋發視竟無所見遂得免難
太康五年國人殺耐迎龐立之代領部落初涉歸與宇
文鮮卑素有隙龐將修先君之怨表請討之武帝弗許
龐怒入寇遼西殺掠甚衆帝遣幽州諸軍討之戰於肥
如龐衆大敗自後復掠昌黎每歲不絕太康六年又率
衆東伐扶餘扶餘王依慮自殺子弟走保沃沮龐夷其
國城驅掠萬餘人而還太康七年龐寇遼東故扶餘王
依慮子依羅求率見人還復舊國請援於東夷校尉何

龔龔遣督護

一作郵

賈沉將兵救之。虜遣其將孫丁率騎

邀之於路，沉力戰斬丁，遂復扶餘國。爾後虜每掠其種人，賣於中國，帝又以官物贖還，禁市扶餘之口。太康十年夏四月，虜謀於衆曰：「吾先公以來世奉中國，且華夷理殊強弱，固別豈宜與晉國競乎？何為不和以害吾百姓？」乃遣使詣晉乞降。帝嘉之，拜鮮卑都督。五月，虜謁見東夷校尉何龔，抗士大夫禮，巾衣詣門。龔嚴軍以見之。虜乃改服戎衣而入，人問其故，虜曰：「主人不以禮待客。」

客何為哉龕聞之甚慚彌加敬憚時東胡宇文氏鮮卑
段氏部落以虜威德日廣懼有并吞之計因為寇掠往
來不絕虜卑辭厚幣以撫之鮮卑段國單于階以女妻
虜生皝仁昭元康四年虜以遼東僻遠徙於徒河之青
山後又以大棘城即帝顓頊之墟所謂紫蒙之邑也復
移居之乃教以農桑法制同於上國永寧中燕垂大水
虜開倉振給幽方獲濟天子聞而嘉之褒賜命服太安
初鮮卑宇文單于莫圭部衆強盛遣其弟屈雲寇邊雲

別帥素怒延

一無怒字

攻掠諸部。虜親擊敗之。素怒延恥之。

復率衆十萬圍虜於棘城。衆咸震懼。人無拒志。虜曰：素怒延雖犬羊，蟻聚然，軍無法制，已在吾計中矣。諸君但為力戰，無所憂也。乃躬貫甲冑，馳馬出擊。素怒延大敗之，追奔百里，俘斬萬餘人。遼東孟暉先沒於宇文部。帥其衆數千餘家來降。虜署為建威將軍，以其臣慕與、句勤、恪、廉、靖使掌府庫，句心計默識，不案簿書，始終無漏。以慕與、河明、敏精、審使典獄訟，覆訊清允。永嘉初，虜自

稱鮮卑大單于時魏昭帝

名祿官

卒弟穆帝

名猗盧

總攝三

部先是昭帝之世虜為東部之患昭帝遣弟左賢王普
根擊走之至是與虜通好永嘉三年遼東太守龐本以
私憾殺東夷校尉李臻詔以渤海封釋代之釋收斬本
永嘉五年初東夷校尉李臻之死也遼東附塞鮮卑素
喜連木九津等託為臻報讐言實欲因而為亂遂攻陷諸
縣殺掠士民屢敗郡兵太守袁謙頻戰失利東夷校尉
封釋懼不能討請與連和連津不從百姓失業流亡歸

庖者日月相繼庖給廩遣還願留者即撫存之庖庶子
鷹揚將軍翰言於庖曰求諸侯莫如勤王自古有為之
君莫不尊天子以從民望成大業者也今連津跋扈王
師覆敗蒼生屠膾豈甚此乎豎子外以龐本為名內實
幸災為寇封使君以誅本請和而毒害滋深遼東傾沒
垂以二紀中原離亂神州屢敗勤王仗義今其時也大
單于宜明九伐之威救倒懸之命數連津之罪合義兵
以誅之上則興復遼東下則并吞二部忠義彰於本朝

私利歸於吾國此則吾霸王之基也

一云鴻漸之始也

終可以

得志於諸侯。虜笑曰：「孺子乃能及此乎？」遂率騎東擊連津，以翰為前鋒，破斬之，盡併二部之衆，得所掠民三千餘家，徙之棘城，立遼東郡而歸。晉懷帝蒙塵於平陽，王浚承制以虜為散騎常侍、冠軍將軍、前鋒大都督，大單于虜以非王命所授，拒而不受。虜復遣翰攻段疾陸眷，取徒河新城，至陽樂，引兵而還。翰因鎮徒河，壁青山。時兩京傾覆，幽冀淪陷，中國流民避亂者多北依王浚。浚

不能存撫又法政不立士民往往逃去段氏兄弟專尚
武勇不禮士大夫惟僇刑政修明虛懷引撫流亡士庶
多襁負歸之僇乃舉其英俊隨才授任以河東裴嶷代
郡魯昌盧江黃泓北平陽耽為謀主北海逢羨廣平遊
邃北平方虔渤海封抽西河宋奭及裴開為股肱渤海
封奕平原宋該蘭陵繆愷昌黎劉斌安定皇甫岌兄弟
真及抽子裕竝典機要遼東張統據樂浪帶方二城與
高句驪王乙弗利相攻連年不解樂浪王遵說統帥其

民千餘家歸虜為之置樂浪郡以統為太守遵叅軍
事建興中王浚為石勒所殺幽州喪亂會稽朱左車魯
國孔纂泰山胡毋翼自薊逃奔昌黎悉來依虜中國流
民歸虜者數萬家虜乃立郡以統流民冀州人為冀陽
郡豫州人為成周郡青州人為營丘郡并州人為唐國
郡愍帝遣使拜虜鎮軍將軍昌黎遼東二郡公晉元帝
建武元年春三月元帝承制拜虜假節散騎常侍都督
遼左雜夷流民諸軍事龍驤將軍大單于昌黎公虜讓

公爵不受征虜將軍魯昌說麴曰今兩京傾沒天子蒙
塵琅邪王承制江東實人命所係明公雖雄據海朔跨
總一方而諸部猶怙衆稱兵未遵道化者蓋以官非王
命又自以為強故也今宜通使琅邪勸承大統然後敷
宣帝命以討有罪誰敢不從處士遼東高詡曰霸王之
資非義不濟今晉室雖微人心猶附宜遣使江東示有
所尊然後仗大義以征諸部不患無辭矣麴從之遣長
史王濟浮海詣建康勸進

太興元年春三月元帝即尊位遣謁者陶遼重申前命授庾龍驤將軍大單于昌黎公庾固辭公爵不受以游遂為龍驤長史劉翔為主簿命遂創定府朝儀法長史裴嶷言於庾曰晉室微弱介居江表威德不能及遠中原之亂非明公不能拯也今諸部雖各擁兵然皆頑愚相聚宜以漸并取以為西討之資庾曰君言大非孤所及也然君中朝名德不以孤僻陋而教誨之是天以君賜孤而祐其國也乃以嶷為長史委以軍國之任諸部

弱小者稍稍擊取之

太興二年庾封畧漸廣進據棘城晉平州刺史東夷校尉崔毖自以中州士望懷集流亡而士民多歸於庾心不平之數遣使招附莫有赴者意庾拘留之乃陰結高句驪及宇文氏段國氏等謀滅庾以分其地毖所親渤海高瞻力諫不從於是三國合兵來伐諸將請擊之庾曰彼信崔毖虛說欲邀一時之利軍勢初合其鋒甚銳幸我速戰若逆擊之落其計矣不可與戰當固守以待

之彼烏合而來耳既無統一莫相歸服久必携貳一則疑吾與陸譎而覆之二則三國自相猜忌待其人情沮惑然後擊之破之必矣三國進攻棘城虜閉門自守遣使獨以牛酒犒宇文大人聲言於衆曰崔陟昨有使至二國疑宇文氏與虜有謀各引兵歸宇文大人悉獨官曰二國雖歸我當獨兼其國何用人為率衆數十萬逼城連營四十里虜使召其子翰於徒河翰遣使謂虜曰悉獨官舉國為寇彼衆我寡易以計勝難以力勝今城

中之衆足以禦寇翰請為奇兵於外伺其間而擊之內
外俱奮使彼震駭不知所備破之必矣若合兵為一彼
得專意攻城無復他慮非策之得者也且示衆以怯恐
士氣不戰先自沮矣虜猶懷疑貳遼東韓壽言於虜曰
悉獨官有憑陵之志將驕卒惰軍不堅密若奇兵卒起
特其無備必破之策也乃聽翰留徒河悉獨官聞之曰
翰素名驍果今不入城或能為患當先取之城不足憂
也遂分遣數千騎襲翰翰潛知之詐為段氏使者逆於

道曰慕容翰久為吾患聞當擊之吾已嚴兵相待宜速進也使者既去翰即出城設伏以待之宇文氏之騎見使者大喜馳行不復設備進入伏中翰奮擊盡獲之乘勝徑進遣間使語虜出兵大戰虜使子訛與長史裴嶷將精銳為前鋒自將大兵繼後悉獨官自恃其眾初不設備見虜兵至方率眾逆戰前鋒始交翰將千騎從旁直衝其營縱火焚之眾皆振擾不知所為遂大敗之悉獨官僅以身免盡俘其眾於其營候獲皇帝玉璽三紐

崔毖聞之懼龐之仇已使兄子燾

一作濤

詣棘城偽賀龐

會三國使者亦至請和曰非吾本意崔平州教我耳龐
將燾示以攻圍之處臨之以兵曰汝叔父教三國滅我
何以詐來賀我乎燾懼首服龐乃遣燾歸謂毖曰降者
上策走者下策也引兵隨之毖與數十騎棄家室奔高
句驪悉降其衆龐以子仁為征虜將軍鎮遼東官府市
里安堵如故高句驪將如奴子據于河城寇掠遼東龐
遣樂浪太守張統掩擊擒之俘其衆千餘家徙崔燾高

瞻韓恒石琮等於棘城待以客禮尋以高瞻為將軍瞻稱疾篤不就廐頗不平之竟以憂卒宋詒勸廐獻捷江東廐使詒為表令裴嶷奉之并所獲三璽詣建康獻之高句驪數寇遼東廐遣建威將軍翰征虜將軍仁伐之高句驪王乙弗利逆來求盟翰仁乃還

太興三年春三月裴嶷自建康盛稱廐之威德賢俊皆為之用朝廷始重之乃遣使隨嶷拜廐監平州諸軍事安北將軍平州刺史增邑一千戶

太興四年冬十二月加庖使持節都督幽平二州東夷
諸軍事車騎將軍平州牧進封遼東郡公邑一萬戶侍
中單于竝如故遣謁者即授印綬丹書鐵券承制海東
命備官司置平州守宰庖於是備置僚屬立子玠為世
子作東樓以裴嶷游邃為長史裴開為司馬韓壽為別
駕楊耽為軍諮祭酒崔壽為主簿黃泓鄭林參軍事以
朱左車孔纂胡母翼等夙德清望請為賓友以平原劉
讚儒學該通引為東庠祭酒命玠與國胄束脩受業庖

覽政之暇亦親臨聽之於是路有頌聲禮讓興矣徙翰鎮遼東仁鎮平郭翰撫安民夷甚有威惠仁亦次之

永昌元年冬十二月段末波初統其國而不修備廩遣世子銳襲之入令支掠其居民千餘家及名馬寶物而還

晉明帝太寧元年春二月廩以長史裴嶷為遼東相太寧二年秋七月晉遣使者加廩邑五千戶重申前好太寧三年春三月石勒遣使通和廩拒之送其使於建

康勒怒加字文乞得歸

一作龜

官爵使之擊虜虜遣斃拒

之以遼東相裴嶷為右部都督率索頭段國為右翼命
征虜仁自平郭趣伯林為左翼乞得歸屯保澆水固壘
不戰遣兄子悉拔雄襲仁於伯林仁逆擊悉拔雄斬之
悉虜其衆乘勝與斃攻乞得歸大敗之乞得歸棄軍走
斃仁入其國城使輕兵追乞得歸過三百里而還盡獲
其國重器畜產以百萬計徙其民數萬戶以歸先是
海出大龜枯死於平郭至是而乞得歸敗其東部大人

逸豆歸逐而殺之因自立為主冬十一月虜與段氏方睦為段牙謀使之徙都牙從之即去令支國人不樂段疾陸眷之孫遼欲奪其位以徙都為牙罪十二月帥國人攻牙殺之自立段氏自務勿塵以來日益強盛其地西接漁陽東界遼水所統胡晉三萬餘戶控弦四五萬晉成帝咸和元年秋九月遣使拜虜侍中位特進餘悉如故

咸和二年春二月虜遣使詣建康固辭爵位優詔不許

咸和三年冬十二月己卯後趙石勒殺趙主劉曜

咸和四年春正月趙石虎取長安冬十二月羗酋姜聰殺吐谷渾王吐延吐延廐之庶兄吐谷渾子也延死其子葉延立保於白蘭山自號其國曰吐谷渾

咸和五年春晉又遣使加廐開府儀同三司固辭不受廐嘗從容言曰獄者人命之所懸也不可以不慎賢人君子國家之基也不可以不敬稼穡者民生之本也不可以不急酒色便佞亂德之甚也不可以不戒乃著為

家令數千言以申其旨

咸和六年秋僚屬宋詡等議以庖立功一隅位卑任重等差無別不足以鎮華夷共表請進庖官爵叅軍韓恒駁曰夫立功者患信義不著不患名位不高桓文有匡復之功不先求禮命以令諸侯宜繕甲兵除凶逆功成之後九錫自至比於要君以求寵不亦榮乎庖不悅出恒為新昌令於是遣使與太尉陶侃箋曰明公使君轂下振德耀威撫寧方夏勞心文武士馬無恙欽高仰止

注情彌久王塗險遠隔以燕越每瞻江湄延首遐外天
降艱難禍害屢臻舊都不守奄為虜庭使皇輿遷幸假
勢吳楚大晉啓基祚流萬世天命未改玄象著明是以
義烈之士深懷憤踴猥以功薄受國殊寵上不能掃除
羣羯下不能身赴國難仍縱賊臣屢逼京輦王敦倡禍
於前蘇峻肆毒於後凶暴過於董卓惡逆甚於崔汜普
天率土誰不同忿深怪文武之士過荷朝榮不能滅中
原之寇刷天下之恥君侯植根江陽發曜荆衡仗葉公

之權有包胥之志而令白公伍員得極其暴竊為丘明
恥之區區楚國子重之徒猶恥君弱臣強臣不及先大
夫厲已戒衆以服陳鄭越之種蠱尚能弼佐勾踐取威
黃池況今吳土英賢比肩不聞輔翼聖主陵江北伐以
義聲之直討逆暴之羯檄命舊都之士招懷存本之人
豈不因風振落頓坂走輪哉且孫氏之初以長沙之衆
摧破董卓志匡漢室雖中罹寇害雅志不遂原其誠心
乃忽身命及權據揚越外仗周張內憑顧陸拒魏赤壁

克取襄陽自茲以降世主相襲咸能侵逼徐豫令魏朝
旰忘食不知今之江表為賢雋匿智藏其勇畧耶將呂
蒙凌統高蹤曠世哉況今凶羯逆暴中州人士逼迫勢
促顛沛之危甚於累卵假號之彊衆心所去敵有釁矣
易可震蕩王郎素術雖自詐偽皆基淺根微禍不旋踵
此皆君侯之所見聞者也王司徒清虛寡欲善於全已
昔曹參亦崇此道著畫一之稱庾公居元舅之尊處申
伯之任超然高蹈明智之權輿於寇難之際受大晉累

世之恩自恨絕域無益聖朝徒繫心萬里望風懷憤今
海內之望足為楚漢輕重者惟在君侯若戮力盡心悉
五州之衆據兗豫之郊使向義之士倒戈釋甲則羯寇
必滅國恥必除虜在一方敢不竭命孤軍輕進不足使
勒畏首畏尾則懷舊之士欲為內應無由自發故也故
遠陳寃言不盡宣虜使者遭風沒海虜復更寃前箋并
齎東夷校尉封抽行遼東相韓矯等三十餘人疏上侃
府曰自古有國有家鮮不極盛而衰自太晉龍興克平

崑會神武之畧邁蹤前史惠皇之末后黨構難禍結京
畿釁成公族遂使羯逆乘虛傾覆諸夏舊都淪滅山陵
掘毀人神悲悼幽明發憤昔獫狁之強匈奴之盛未有
如今日羯逆之暴跨躡華夷盜稱尊號者也天授有晉
挺拔英傑車騎將軍慕容廆自弱冠蒞國忠於王室明
允恭肅志在立勲屬海內分崩皇輿遷幸元皇中興初
創大業肅祖繼統蕩平江外虜雖限以山海隔以羯寇
翹首引領係心京師常假寤寢憂國忘身貢篚相尋連

舟載路馬不稅駕動成義舉今羯寇滔天怙其醜類樹
基趙魏跨畧燕齊虜雖率義衆誅討大逆然管仲相齊
猶曰寵不足以御下況虜輔翼王室有匡伯之功而位
卑爵輕九命未加非所以寵異藩翰敦獎殊勲者也方
今詔命隔絕王路嶮遠貢使往來動彌年載今燕之舊
壤北周沙漠東盡樂浪西暨代土南極冀方而悉為虜
庭非復國家之域將佐等以為宜遠尊周室近準漢初
進封虜為燕王行大將軍事上以總統諸部下以割損

賊境使冀州之民望風向化。虜得祇承詔命，率合諸國，奉辭夷逆，以成桓文之功。苟利社稷，專之可也。而虜固執謙光守節，彌高每詔所加，讓動積年，非將佐等所能敦逼。今區區所陳，不欲苟相崇重，而愚情至心實為國計。侃荅虜書云：「當今揚淮銳勇飛廉，超驥收屈，盧必陷之。矛集鮫犀，不入之盾，惟在足下。」復荅抽等書，其畧曰：「車騎將軍憂國忘身，貢篚載路，竭賊求和，執使送之。西伐段國，北擊塞外，遠綏索頭，荒服獻款。惟北部未賓，屢

遣征討又知東方官號高下齊班進無統攝之權退無等差之降欲進車騎為燕王一二具之夫功成進爵古之成制也車騎雖未能為國一作官推勒然忠義竭誠見於辭表今騰箋上聽可否遲速當在天臺也

咸和七年春三月趙王石勒遣使復修前好虜拒而不納


咸和八年夏五月甲申

晉帝紀作乙未

虜薨於文德殿葬於青

山時年六十五在位四十九年帝遣使者策贈車騎大

將軍開府儀同三司諡曰襄公號為燕王追諡武宣王
及僞僭號改諡武宣皇帝廟號高祖



十六國春秋卷二十三

欽定四庫全書

史部

十六國春秋卷二十四至
六

詳校官編修

臣范來宗

侍讀

臣孫球覆勘

覆校官修撰

臣陳初哲

校對官中書

臣潘庭筠

謄錄監生

臣周元梓

欽定四庫全書

十六國春秋卷二十四

前燕錄二

慕容皝上

慕容皝字元貞小字萬年廐第二子單于妃段氏所生也龍顏版齒身長七尺八寸雄毅善權畧尚經學多材藝尤善天文國人稱之廐為遼東公立為世子晉建武元年拜冠軍將軍永昌初拜左賢王封望平侯率衆征

伐累立奇功太寧末拜平北將軍進封朝鮮公咸和八年夏五月庾卒玠嗣遼東公位以平北將軍行平州刺史督攝部內赦繫囚以左長史裴開為軍諮祭酒郎中令高詡為玄菟太守以帶方太守王誕為左長史誕以遼東太守陽鶩為才而讓之玠從之以誕為右長史六月遣長史渤海王濟等告喪於晉秋八月初宇文逸豆歸既殺乞得歸自立至是玠率騎討之軍於廣安逸豆歸懼請和遂築榆陰安晉二城而還玠初嗣位用法嚴

峻國人多不自安主簿皇甫真切諫不聽庶兄建威將軍翰驍武有雄才素為璣所忌同母弟征虜將軍仁廣武將軍昭竝有寵於庾璣亦不平之至是竝懼恐不自容翰出奔段遼仁勸昭舉兵廢璣事覺先賜昭死遣使案檢仁之虛實過於險瀆仁知事發殺璣使者東據平郭璣遣軍諮祭酒封奕慰撫遼東又以庶弟建武將軍幼稚廣威將軍軍弟寧遠將軍汗司馬遼東佟壽等討之仁盡衆拒戰璣兵大敗幼稚軍皆為仁所獲壽嘗為

仁司馬遂沒於仁襄平令王永將軍孫機舉兵遼東叛以應仁東夷校尉封抽護軍平原乙逸遼東相太原韓矯玄菟太守高詡等皆棄城奔還仁於是盡有遼東之地封奕不得入與汗俱還段遼及鮮卑諸部並為仁援旣追思皇甫真之言以為平州別駕

咸和九年春正月旣遣軍詔祭酒封奕攻卑木堤於白狼揚威將軍淑虞攻烏丸悉羅侯於平岡皆破斬之材官將軍劉佩攻乙連不克三月段遼遣兵寇徒河旣別

將張萌逆擊敗之遼復遣弟蘭與慕容翰共寇柳城柳城都尉石琮與城大慕輿瑒并力拒守蘭等不克而退遼怒切責蘭等必令拔之休息二旬復益兵來攻士皆重袍蒙楯作飛梯地道四面俱進晝夜不息圍守二旬琮瑒拒守彌固殺傷千餘人卒不能拔琮遣寧遠將軍汗及封奕等共救之琮戒汗曰賊衆氣銳難與爭鋒宜顧萬全慎勿輕進必須兵集陣整然後擊之汗性驍果以千餘騎為前鋒直進封奕止之汗不從與蘭遇於牛尾

谷汗兵大敗死者大半奕整陣力戰故得不沒夏四月
仁自稱平州刺史遼東公秋八月王濟還遼東晉成帝
詔遣侍御史王齊祭遼東公廩又遣謁者徐孟閭丘幸等
持節拜旣鎮軍大將軍平州刺史大單于遼東公持節
都督承制封拜一如虜故事船下馬石津皆為仁所留
冬十一月旣自征遼東甲申至襄平遼東人王岌密信
請降師進入城仁所署東夷校尉翟楷遼東相龐鑒單
騎遁走旣欲悉坑遼東民高誦諫止之仁所署居就令

劉程以城降新昌人張衡執縣宰以降斬仁所置守宰
分徙遼東大姓於棘城以杜羣為遼東相安輯遺民置
和陽武次西樂三縣而歸十二月仁遺兵襲新昌督護
新興王寓擊走之遂徙新昌入襄平

咸康元年春正月置左右司馬以司馬韓矯軍諮祭酒
封奕為之秋七月立子儁為世子遣右司馬封奕率兵

襲擊宇文別部徙奕干

一作涉
夜干

大獲而還徙奕干率騎追

戰於渾水又敗之冬十月慕容仁遣王齊等南還齊等

自海道趣棘城遇風不至十二月齊等至棘城詔始拜朝命

咸康二年春正月詔將乘海討仁襲其不意羣下咸諫以海道危阻宜從陸路詔曰舊海水無冰

一作陵下同

自仁

反已來三凍皆成昔光武合滹沱之冰以成大業天其或者欲乘此而克之乎吾計決矣沮謀者斬壬午詔親率三軍從昌黎踐冰而進仁不虞詔至軍去平郭七里候騎乃告仁狼狽出戰為詔所擒殺之赦吏民之為仁

所註誤者遼東遂平斃引而還因遣使上表於晉曰臣躬征平郭遠假陛下之威將士竭命精誠感靈海為結冰凌行海中三百餘里臣自立國以來及問諸故老初無海水冰凍之歲今遣使以聞夏四月立耜田於朝陽門東置官司以主之六月段遼遣中軍將軍李詠夜襲武興遇雨而還都督張萌追擊擒之遼別遣弟蘭帥步騎數萬屯於曲水亭將攻柳城西曲水宇文逸豆歸入寇安晉以為蘭聲援斃率步騎五萬擊之師次柳城蘭

不戰而遁。銳引兵北趣安晉。逸豆歸棄輜重走。銳遣右司馬封奕率輕騎追擊大破之。收其軍實。館穀二旬而還。銳謂諸將曰：「二虜恥無功而歸，必將復至。宜於柳城左右設伏以待之。」乃遣封奕率騎數千潛伏於馬兜山。七月，段遼果將數千騎來襲寇抄。奕夾擊大破之，斬其將榮伯保。九月，銳遣兼長史劉斌兼郎中令遼東楊景送王齊徐孟等還建康，因遺書於侍中顧和云：「今致繡靴一緡，復致書於大司馬桓溫。溫答銳書曰：『承將軍厲』」

奮戎武激揚士卒鼓角長鳴摧折姦宄冬十月使世子
儁伐段遼諸城右司馬封奕攻宇文別部皆大捷而歸
十二月立納諫之木以開讜言之路

咸康三年春正月徙昌黎郡築好城於乙連東使折衝
將軍蘭勃戍之以逼乙連又城曲水以為勃援夏四月
乙連飢甚段遼以車數千輛輸乙連粟蘭勃要擊獲之
六月遼又遣從弟揚威將軍屈雲將精騎夜襲銑子遵
於興國城與遵大戰於五官水上雲敗斬之盡俘其衆

初北平陽裕事段疾陸眷及遼五世皆見尊敬遼數與
斡相攻裕諫曰親仁善鄰國之寶也況慕容氏與我世
婚迭為甥舅斡有才德而我與之構怨戰無虛日百姓
凋敝利不補害臣恐社稷之憂將由此始願兩追前失
通好如初以安國息民遼不從出裕為北平相秋九月
鎮軍左長史封奕等以斡任重位輕宜稱燕王斡從羣
議一作上議遂以咸康三年冬十月丁卯僭即王位於文德
殿大赦境內殊死已下改備羣司以封奕為相國韓壽

為司馬裴開為奉常陽鶩為司隸王寓為太僕李洪為

大理杜羣為納言令宋詎劉瞻

一作睦

石琮為常伯皇甫

真陽協為冗騎常侍宋晃平熙張泓為將軍封裕為記

室監自餘文武授任各有差起文昌殿乘金根車駕六

馬出入稱警蹕十一月甲寅追尊父廐為武宣王母段

氏為武宣后立夫人段氏為王后世子儁為王太子皆

如魏武晉文輔政故事既以段遼屢為邊患遣揚烈將

軍宋回稱藩於趙乞師討遼自請盡帥國中之衆會之

并以弟寧遠將軍汗為質趙王石虎大悅厚加慰答辭其質遣還期以明年大舉

咸康四年春正月旣遣都尉趙槃如趙請聽師期虎將擊段遼募驍勇者三萬餘人悉拜龍騰中郎帥舟師十萬步騎七萬伐之三月趙槃還至棘城旣引兵攻掠令支以北諸城段遼遣弟蘭來拒大戰敗之斬級數千餘戶及畜產萬計以歸夏四月癸丑晉遣使者策拜旣為征北大將軍幽州牧領平州刺史加散騎常侍增邑萬

戶持節都督單于公餘悉如故五月趙王虎至徐無遼
奔密雲山虎進入令支怒甄之不會師先攻段遼而自
專其利率衆來伐甄聞趙師之至嚴兵設備罷六卿納
言常伯冗騎常侍等官虎至於棘城戎卒數十萬燕人
振恐甄謂內史高詡曰將若之何對曰趙兵雖強然不
足憂但堅守以拒之無能為也虎遣使四出招誘民夷
甄成周內史崔燾居就令游泓武原令常霸東夷校尉
封抽護軍將軍宋晃等凡三十六城皆叛應之冀陽流

寓之士殺太守宋燭迎降

燭晃之從兄也

營丘內史鮮于屈亦

遣使降趙武寧令廣平孫興曉喻吏民收屈數其罪而

殺之閉城拒守朝鮮令昌黎孫泳

一作永

帥衆拒趙大姓

王清等密謀內應泳收斬之同謀數百人惶懼請罪泳

皆赦之與同拒守樂浪太守鞠彭以境內皆叛選鄉里

壯士二百餘人共還棘城戊子趙兵進次棘城旣欲出

亡帳下折衝將軍慕容根諫曰趙強我弱大王一舉足

則趙之氣勢遂成使趙人收畧國民兵強穀足不可復

敵竊謂趙人正欲大王如此耳奈何入其計中乎今固
守堅城其勢百倍縱其急攻猶足支持觀形察變間出
求利如事之不濟不失於走奈何望風委去為必亡之
理乎孰乃止然猶懼形於色玄菟大守河間劉佩曰今
強寇在外衆心恟懼事之安危係於一人大王此際無
所推委當自強以勵將士不宜示弱今事急矣臣請出
擊之縱無大捷足以安衆乃將敢死數百騎出衝趙兵
所向披靡斬獲而還於是士氣百倍

一作自倍孰問計於相

國封奕奕曰石虎凶虐已甚民神共疾禍敗之至其何
日之有今空國遠來攻守勢異戎馬雖強無能為患頓
兵積日釁隙自生但堅守以俟之耳孰意乃安趙兵四
面蟻附圍守旬餘左右或勸孰降孰曰孤方取天下何
謂降也慕輿根等晝夜力戰凡十餘日趙兵不能克壬
辰遣子蕩寇將軍恪等率騎二千晨出擊之趙兵驚擾
皆棄甲逃潰恪等乘勝追擊趙兵大敗斬獲三萬餘級
孰分兵討諸叛城皆下之拓境至凡城崔暹常霸奔鄴

封抽宋甄游泓奔高句驪甄賞鞠彭孫泳慕輿根等而
治諸叛者誅滅甚衆功曹長史劉翔為之申理多所全
活築戍凡城而還冬十二月段遼降甄遣使詐降於趙
請兵應接石虎遣征東將軍麻秋率衆三萬迎之以尚
書左丞遼故臣陽裕為秋司馬甄自率諸軍迎遼遼密
與甄謀覆趙軍甄遣恪伏精騎七千於密雲山大敗麻
秋於三藏口死者什六七秋單騎遁免一作步走得免獲其司
馬陽裕將軍鮮于亮擁段遼及其部衆以歸待遼以上

賓之禮以陽裕為郎中令鮮于亮為左常侍

咸康五年夏四月毖前軍師將軍評廣威將軍恪折衝
將軍慕輿根輕車將軍慕輿塗襲趙遼西斬趙積弩將
軍呼延晃建威將軍張支等掠千餘戶而歸段遼謀叛
毖誅之及其黨與數十人送遼首於趙趙王虎使鎮遠
將軍石城入寇凡城不克進陷廣城五月魏昭成帝什
翼捷遣使求婚毖以其妹興平公主妻之其年毖伐高句
驪兵及新城高句驪王釗乞盟乃還又使子蕩寇將軍

恪平狄將軍霸等擊宇文別部霸年十三勇冠三軍

十六國春秋卷二十四

欽定四庫全書

十六國春秋卷二十五

前燕錄三

慕容皝下

咸康六年春正月高句驪王釗遣世子來朝初段遼之敗也建威將軍翰奔於宇文逸豆歸自以威名夙振終不保全乃陽狂恣酒被髮歌呼歸信而不禁以故得周遊自任至於山川形便攻戰要路莫不練之皝遣商人

王車陰使察翰見車無言撫膺而已車還以白毖曰
翰欲來也乃遣車遺翰弓矢翰因以逃歸毖大悅賜遇
甚厚秋八月毖自以雖稱燕王未受晉命乃遣長史劉

翔

一作祥下同

叅軍鞠運獻捷京師兼言權假之意并請刻

期大舉討平中原又聞庾亮薨弟冰翼繼為將相乃表
曰臣究觀前代昏明之主皆能親賢竝建則政致昇平
若親黨后族必有傾辱之禍是以周之申伯號稱賢舅
以其身藩於外不握朝權降及秦昭足為令主委信二

舅幾至亂國逮於漢武推重田蚡萬機之要無不決之
及蚡死後切齒追恨成帝闇弱不能自立內惑艷妻外
恣五舅卒令王莽坐取帝位每覽斯事孰不痛惋設使
舅氏賢若穰侯王鳳則但聞有二臣不聞有二主若其
不才則有竇憲梁冀之禍凡此成敗亦既昭然苟能易
軌可無覆墜陛下命世天挺當隆晉道而遭國多難殷
憂備嬰追述往事至今焚灼迹其所由實因故司空亮
居元舅之尊勢業之重執政裁下輕侮邊將故令蘇峻

祖約不勝其忿遂致敗國至今太后發憤一旦升遐若社稷不靈人神無助豺狼之心當可極邪前事不忘後事之表而中書監左將軍冰等內執樞機外擁上將昆弟竝列人臣莫儔陛下深敦渭陽冰等自宜引領臣常謂世主若欲榮顯舅氏何不封以藩國豐其祿賜限其勢利使上無偏優下無私論如此榮辱何從而生嚙啗何辭而起往者惟亮一人宿有名望尚致台變況今居之者素無聞焉且人情易惑難以戶告縱令陛下無私

於彼天下之人誰謂不私乎臣與冰等名位殊班出處
懸邈又國之戚昵理應降悅以適事會臣獨矯抗此言
者上為陛下退為冰計疾苟容之臣坐鑒得失顛而不
扶焉用彼相昔徐福陳霍氏之戒宣帝不從至今忠臣
更為逆族良由察之不審防之無漸臣今所陳可謂防
漸矣但恐陛下不明臣之忠不用臣之計事過之日更
處焦爛之後耳王章劉向每上封事未嘗不指斥王氏
故令二子或死或刑谷永張禹依回

一作違

不對故容身

苟免取譏於世臣被髮殊俗位為上將夙夜惟憂罔知
所報惟當外殄寇讐內盡忠規陳力輸誠以答國恩臣
若不言誰當言者又與冰書曰君以椒房之親舅氏之
昵總據樞機出內王命兼擁列將州司之位昆弟網羅
顯布畿甸自秦漢以來隆赫之極豈有若此者乎以吾
觀之若功就事舉必享申伯之名如或不立不免梁竇
之迹矣每觀史傳未嘗不寵恣母族使執權亂朝先有
殊世之勲尋有負乘之累所謂愛之適足以為害吾嘗

忽歷代之主不盡防萌終寵之術何不業以一土之封
令藩國相承如周之齊陳如此則永保南面之尊復何
黜辱之憂乎竇武何進虛已好善天下歸心雖為閹豎
所危天下嗟痛猶有能履以不驕圖國亡身故也方今
四海有倒懸之急中夏逋僭逆之寇家有漉血之怨人
有復讐之憾寧得安枕逍遙雅談卒歲吾雖寡德過蒙
先帝列將之授以數郡之人尚欲并吞強虜是以自頃
及今交鋒接刃一時務農三時用武而猶師徒不頓倉

有餘粟敵人日畏我境日廣況乃王者之威堂堂之勢
豈可同年而語哉九月孰將圖石氏謂諸將曰石虎自
以安樂諸城防守重複薊城南北必不設備今若詭路
出其不意冀之北土可盡破也冬十月孰親率驍騎二
萬出蠡螭塞襲趙戍將當道者皆擒之長驅至於薊城
趙幽州刺史石光擁兵數萬閉城拒守不敢出戰遂破
武遂津入於高陽所過焚燒積聚掠徙幽冀三萬餘
戶而還

咸康七年春正月，旆以柳城之北、龍山之南

一作西字

福地

也。使唐國內史陽裕等築龍城，構門闕，宮殿、廟、園。

廟園

一作宗廟

籍田，遂改柳城為龍城。縣時棘城、黑石谷

黑石谷三字一

作里字

有大石自立而行。二月乙卯，長史劉翔等至建康。

成帝引見問慕容鎮軍平安，對曰：「臣受遣之日，朝服拜

章，翔為旆求大將軍假燕王章璽，朝議以為故事。大將

軍不處邊，自漢魏以來不封異姓為王。所求不可許。翔

曰：「自劉石構亂，長江以北謫為戎藪，未聞中華公卿之

甯有一人能攘臂操戈摧破凶殘者也獨慕容鎮軍父子
竭力心存本朝以寡擊衆屢殄強敵使石虎畏懼悉徙
邊陲之民散居三魏蹙國千里以薊城為北境功烈如
此而惜海北之地不以為封邑何哉昔漢高祖不愛王
爵於韓彭故能成其帝業項羽刳印不忍授卒用危亡
吾之至心非苟欲尊其所事竊惜聖朝疎忠義之國使
四海無所勸慕耳尚書諸葛恢翔之妹一作姊夫也獨主
異議以為夷狄相攻中國之利惟名與器不可輕許乃

謂翔曰借使慕容鎮軍能除石虎乃是復得一石虎也
朝廷何賴焉翔曰嫠婦猶知恤宗周之隕今晉室阽危
君位侔元凱曾無憂國之心邪向使靡盬之功不立則
少康何以祀夏桓文之戰不捷則周室皆為左袵矣慕
容鎮軍枕戈待旦志殄兇逆而君更唱邪惑之言忌間
忠臣四海所以未一良由君輩耳翔留建康歲餘衆議
終不決翔乃說中常侍或弘曰石虎苞八州之地帶甲
百萬志吞江漢自索頭宇文暨諸小國無不臣服惟慕

容鎮軍翼戴天子精貫白日而更不獲殊禮之命竊恐天下移心解體無復南向者矣公孫淵無尺寸之益於吳吳主封為燕王加以九錫今慕容鎮軍屢摧賊鋒威振秦隴虎比遣重使甘言厚幣欲授以曜威大將軍遼西王慕容鎮軍惡其非正却而不受今朝廷乃矜惜虛名沮抑忠順豈社稷之長計乎後雖悔之恐無及已弘為之入言於帝帝意亦欲許之既又書與庾冰責其兄弟秉權不能為國雪恥冰見書甚懼以其絕遠非所能

制遂與何充等奏聽詔稱燕王時庾翼答書與詔云鄧伯山昔送此犀皮兩襜鎧一領雖不能精好謂是異物故復致之乙卯成帝使兼大鴻臚郭悌一作希持節拜詔

使持節侍中大將軍大都督河北諸軍事幽州牧大單于燕王備物典策皆從殊禮又以世子雋為假節安北將軍東夷校尉左賢王賜軍資器械以千萬計又封諸功臣百餘人以翔為代郡太守封臨泉鄉侯加員外散騎常侍翔固辭不受翔疾江南士大夫以驕奢酬縱相

尚嘗因朝貴宴集謂何充等曰四海板蕩奄踰三紀宗廟為墟黎民塗炭斯乃廟堂焦慮之時忠臣畢命之秋也而諸君晏安江沱肆情縱欲以奢靡為榮以傲誕為賢蹇諤之言不聞征伐之功不立將何以尊主濟民乎充等甚慙及翔北還棘城公卿餞之翔曰昔少康資一旅以滅有窮句踐憑會稽以報強吳蔓艸猶宜早除況寇讎言乎今石虎李壽志相吞噬王師縱未能澄清北方且當從事巴蜀一旦石虎先人舉事併壽而有之據形

便之地以臨東南雖有智者不能善其後矣中護軍謝
廣曰是吾心也秋七月郭悌劉翔等至燕鮑以翔為東
夷校尉領大將軍長史以唐國內史陽裕為左司馬典
書令李洪為右司馬中尉鄭林為軍諮祭酒九月鮑以
恪為渡遼將軍鎮平郭平郭自翰仁之後諸將軍無能
繼者及恪至撫舊懷新屢破高句驪兵句驪畏之不敢
入寇冬十二月鮑遣使聘魏并薦其宗女

咸康八年夏六月石虎率衆來伐鮑大破之秋七月丁

卯旣營龍城新殿昌黎大棘縣城河岸崩出鐵築頭一
千一百七十四枚永樂民郭陵見之詣旣言狀以是日
到旣曰經始營殿鐵築具出神人允協之應也遂賜陵
爵關內侯冬十月旣遷都龍城大赦境內十一月旣親
帥勁卒四萬入自南陝以伐宇文高句驪使建威將軍
翰及平狄將軍霸為前鋒別遣長史王寓等勒衆萬五
千從北道而進高句驪王釗謂旣軍之從北路也乃遣
弟武統精銳五萬拒北道躬率羸兵以防南陝翰等先

至與釗戰於木底，釗以大衆繼之。左常侍鮮于亮與數騎先犯高句驪陣，所向摧陷。句驪陣動，大衆因而乘之。句驪大敗。左長史韓壽斬其將阿佛和度，加諸軍乘勝追之，遂入丸都。釗單馬遁走，輕車將軍慕輿泥追獲其母周氏及妻而還。會王寓等戰於北道，軍皆敗沒。由是釗不復窮追，遣使招釗，釗不出。釗將還，韓壽曰：「高句驪之地不可戍守，今其主亡，民散，潛伏山谷。大軍既去，必復鳩聚，收其餘燼，猶足為患。請載其父尸，囚其生母而

歸俟其束身自歸然後返之撫以恩信策之上也斡從之掘釧父乙弗利墓載其尸并其母妻收其府庫累世珍寶掠男女五萬餘口焚其宮室毀九都城而還

晉康帝建元元年春二月高句驪王釧遣其弟稱臣於斡貢方物以千數乃還其父尸猶留其母為質宇文逸豆歸遣其相國莫淺渾將兵來伐諸將爭欲擊之斡不許渾以斡為憚之荒酒縱獵不復設備斡曰渾奢怠已甚今則可一戰矣遣翰帥騎擊之渾大敗僅以身免盡

俘其衆秋七月昭成帝復求婚於皝皝使納馬千疋為
禮昭成不與又倨慢無子壻禮八月皝遣世子雋帥前
軍師將軍評等伐之昭成率衆遁走評等無所見而還
冬十月皝躬巡郡縣勸課農桑復大起龍城宮闕

建元二年春正月皝與左司馬高詡謀伐宇文逸豆歸
詡曰伐之必克然不利於將皝遂親帥騎二萬伐之以
翰為前鋒將軍劉佩副之分命廣威將軍軍渡遼將軍
恪平狄將軍霸及折衝將軍慕輿根將兵三道竝進逸

豆歸遣驍將南羅大迭奕干

紀事本末
作涉夜干

將精兵拒翰孰

遣人馳謂翰曰奕干雄悍勇冠三軍宜小避之待虜勢
驕然後取也翰曰逸豆歸掃其國內精銳以屬迭奕干
奕干素有勇名一國所賴也今若克之其國不攻自潰
矣且吾熟知奕干之為人徒有虛名實易與耳不宜縱
敵以挫吾兵氣於是進戰翰自出衝陣奕干出應之霸
從旁邀擊遂斬奕干宇文士卒見奕干死不戰而潰燕
兵乘勝逐之遂克其都城逸豆歸遠遁死漠北宇文氏

由是散亡甦悉收其畜產資貨關地千餘里徙其部民
五萬餘落於昌黎改徙奕干所居城為威德城使弟左
將軍彪戍之而還高詡劉佩皆中流矢卒初逸豆歸事
趙甚謹貢獻屬路及甦伐逸豆歸石虎使右將軍白勝
并州刺史王霸自甘松出救之比至宇文氏已亡因攻
威德城不克而還彪追擊破之甦行飲至之禮論功行
賞各有差翰與宇文戰為流矢所中臥病積時不出後
漸差於家試馬或告翰欲為變乃賜翰死

詳具
翰傳

二月昭

成帝遣其大人長孫秩迎后於燕夏四月趙平北將軍
尹農率衆寇凡城不克而去秋七月旣遣使奉聘求交
婚於魏昭成許之九月以烈帝韓翳女妻之

晉穆帝永和元年春正月旣以牧牛給貧家使佃苑中
公收其八二分入私自有牛而無地者亦佃苑中公收
其七三分入私旣記室叅軍封裕諫曰臣聞聖王之宰
國也薄賦而藏於百姓分之以三等之田十一而稅之
寒者衣之飢者食之使家給人足雖水旱而不為災者

何也高選農官務盡勸課人治周田百畝亦不假牛力
力田者受旌顯之賞惰農者有不齒之罰又量事置官
量官置人使官必稱須人不虛位度歲入多少裁而祿
之供百僚之外藏之太倉三年之耕餘一年之粟以斯
而積公用於何不足水旱其如百姓何雖務農之令屢
發二千石令長莫有志勤在公銳盡地力一作利者故漢
祖知其如此以墾田不實徵穀二千石以十數是以明
章之世號次昇平自永嘉喪亂百姓流亡中原蕭索千

里無烟飢寒流隕相繼溝壑武宣王以神武聖略保全
一方威以殄姦德以懷遠故九州之人塞表殊俗襁負
萬里若赤子之歸慈父流人之多於舊土十倍有餘人
殷地狹故無田者十有三四殿下以殷聖之資克廣先
業南推強趙東滅句驪北取宇文拓境三千里增民十
萬戶繼武闡廣之功有高西伯宜悉罷諸苑以業流人
人至而無資產者賜之以牧牛不當更收重稅也且以
殿下之人用殿下之牛牛非殿下之有將何在哉善藏

者藏於百姓若斯而已矣邇者則深副樂土之望戎旗
南指之日中國之人皆將壺飧奉迎石虎誰與居乎且
魏晉雖道消之世猶削百姓不至於七八特官牛田者
官得六分百姓得四分私牛而官田者與官中分百姓
安之人皆悅樂臣猶曰非明王之道而況增乎且水旱
之厄堯湯所不免王者宜濬治溝澮循鄭白西門史起
溉灌之法旱則決溝為雨水則入於溝瀆上無雲漢之
憂下無昏墊之患句驪百濟及宇文段部之民皆兵勢

所徙非如中國慕義而至咸有思歸之心今戶垂十萬
狹湊都城恐方為國家深患宜分其兄弟宗屬徙於西
境撫之以恩檢之以法使不得散在居人知國之虛實
今中原未平資畜宜廣官司猥多游食不少一夫不耕
歲受其飢必取於耕者而食之一人食一人之力游食
數萬損亦如之安可以家給人足治致昇平殿下降覽
古今之事多矣政之巨患莫甚於斯其有經畧出世才
稱時求者自可隨須致

一作置

之列位非此已往其耕而

食蠶而衣亦天之道也殿下聖性寬明思言若渴故人
盡芻蕘有犯無隱前者叅軍王憲大夫劉明立竭忠獻
款以貢至言雖頗有逆鱗意在無責主者奏以妖言犯
上致之於法殿下慈弘包納恕其大辟猶削黜禁錮不
齒於朝其言是也殿下固宜納之如其非也宜亮其狂
狷罪諫臣而求直言亦猶北行趨越必不得其所志矣
右長史宋該等阿媚苟容輕劾諫士已無骨鯁嫉人有
之掩蔽耳目不忠之甚四業者國之所資教學者有國

盛事習戰務農尤其本也百工商賈特其末耳宜量軍國所須置其員數已外歸之於農教之戰法學者三年無成亦宜歸之於農不可徒充大員以塞聰雋之路臣之所言當也時速施行非也登加罪戮使天下知朝廷從善如流罰惡不掩王憲劉明忠臣也願宥忤鱗之愆收其藥石之效旣乃下令曰覽封記室之諫孤實懼焉君以黎元為國黎元以穀為命然則農者國之本也而二千石令長不遵孟春之令惰農弗勸宜以尤不修闕

者措之刑法肅厲屬城主者明詳推檢具狀以聞苑囿
悉可罷之以給百姓無田業者貧者全無資產不能自
存各賜牧牛一頭若私有餘力樂取官牛墾官田者竝
依晉魏舊法溝洫溉灌有益官私主者量造務盡水陸
之勢中州未平兵難不息勲誠既多官未可減俟克平
先醜徐更議之百工商賈數四佐與列將速定大員餘
者還農學生不任訓教者亦除員祿夫人臣闕言於人
主至難也妖妄不經之事皆應蕩然不問擇其善者而

從之王憲劉明雖罪應禁黜亦由孤之無大量也可悉
復本官仍居諫司封生蹇蹇深得王臣之體詩不云乎
無言不酬其錫錢五萬宣示内外有欲陳孤過失者不
拘貴賤勿有所諱甄雅好文學嘗親臨庠序勸以講授
考校學徒至千餘人頗有妄濫者故封裕及之二月有
黑龍白龍各一見於龍山甄親率羣僚觀之去龍二百
餘步祭以太牢二龍交首嬉翔解角而去甄大悅還宮
赦其境内殊死已下號所居新宮曰和龍宮立龍翔佛

寺於山上賜大臣子弟為官學生者號高門生立東庠
於舊宮以行鄉飲之禮每月臨觀考試優劣親造太上
章以代急就又著典誡十五篇竝以教胄子冬十月號
以古者諸侯即位各稱元年於是始不用晉年號自稱
十二年十一月渡遼將軍恪攻高句驪拔南蘇置戍而
還平狄將軍霸戍徒河時趙將鄧恒將兵數萬屯樂安
將為攻取之計畏霸終不敢犯

十三年號遣世子儁及廣威軍渡遼恪折衝慕輿根三

將軍率騎萬七千襲扶餘，僞居中指授軍事，皆以任怡。遂拔扶餘虜，其王玄及部衆五萬餘口而還。旣署玄為鎮軍將軍，以女妻之。

十四年春正月，旣親臨東庠考試學生，其通經秀異者擢充近侍。夏五月戊申，晉遣使進旣為安北大將軍，餘悉如故。冬十月，饗羣臣於承乾殿。右長史宋諤一作性該

貪賜布百疋，令自負而歸，以愧其心。旣以久旱，丐百姓田租，罷成周、冀陽、營丘等郡，以渤海郡為興集縣，河間

郡為寧集縣廣平魏郡為興平縣東萊北海郡為育黎

縣吳郡為吳縣

前數郡字一作人字

悉隸燕國

十五年秋七月鮑畋於西鄙將濟河見一父老乘白馬
舉手麾鮑曰此非獵所王宜還也秘之不言遂濟河連
日大獲八月鮑復見白兔馳馬射之馬倒墜於石上被
傷乃說所見輦而還宮遂有疾未幾疾甚引世子儁屬
以後事曰今中原未平方經建世務委賢任哲此其時
也恪智勇兼濟才堪任重汝其委之以成吾志又曰陽士

秋志行高潔忠幹貞固可托大事汝善待之九月丙申
薨於承乾殿時年五十二在位十五年冬十月葬於龍
山僞僭偽號追諡文明皇帝廟號太祖陵曰龍平

十六國春秋卷二十五

欽定四庫全書

十六國春秋卷二十六

前燕錄四

慕容儁上

慕容儁字宣英小字賀賴跋狔之第二子也母段氏十
三月而生有神光之異初儻常言吾積德累仁子孫當
有中原既而生儁儻曰此兒骨相不凡吾家得之矣及
長身長八尺二寸姿貌魁偉博覽書史有文武幹略彬

彬文雅更善詞賦至於器物車室皆著讚以為勸戒孰之八年晉遣使者拜孰為燕王以偽為假節安北將軍東夷校尉左賢王燕王世子孰十一年晉拜使持節鎮軍將軍

元年春正月偽僭即燕王位依春秋列國故事稱元年大赦境內殊死已下遣使詣建康告喪以弟友一作文為

左賢王左長史陽鶩為郎中文武百官進位各有差是月令造刀二十八口銘曰二十八將隸書夏四月趙王石

虎死趙魏大亂平狄將軍霸上書於儁曰石虎窮極凶
暴天之所棄餘燼尚存自相魚肉今中國倒懸企望仁
恤若大軍一舉勢必倒戈北平太守孫興亦表言石氏
大亂宜以時進取中原儁以新遭大喪弗許霸馳詣龍
城言於儁曰難得而易失者時也萬一石氏哀而復興
或有英雄據其成資豈惟失此大利亦恐更為後患儁
曰鄴中雖亂鄧恒據安樂兵強糧足今若伐趙東道不
可由也當由盧龍盧龍山徑險狹虜乘高斷要首尾為

患將若之何霸曰恒雖為石氏拒守其將士顧家人懷
歸志若大軍臨之自然瓦解請為殿下前驅東出徒河
潛趨令支出其不意彼若聞之勢必振駭上不過閉門
自守下不免棄城逃潰何暇禦我哉然則殿下可安步
而前無復留難矣儁猶豫未決以問五材將軍封奕奕
曰用兵之道敵強則用智敵弱則用勢是故以大事小
猶狼之食豚也以治易亂猶日之消雪也大王自上世
以來積德累仁兵強士練石虎極其殘暴死未瞑目子

孫爭國上下乖離中國之民墜於塗炭延頸企踵以待
振拔大王若揚兵南邁先取薊城次詣鄴都宜耀威德
懷撫遺民彼孰不扶老提幼以迎大王凶黨將望旗冰
碎安能為害乎從事中郎黃泓曰今太白經天歲星集於
畢北天下易主陰國受命此必然之驗也宜速出師以
承天意殿中一作廣威將軍慕輿根曰中國之民困於石氏
之亂咸思易主以救湯火之急此千載一時不可失也
自武宣王以來招賢養士務農訓兵正俟今日今時至

不取更復顧慮豈天意未欲使海內平定邪將大王不
欲取天下也儁笑而從之乃發兵伐趙以恪為輔國將
軍評為輔弼將軍陽騫為輔義將軍謂之三輔霸為前
鋒都督建鋒將軍簡精卒二十餘萬講武戒嚴為進取
之計秋七月晉穆帝使謁者陳沉拜儁為使持節侍中
大都督都督河北諸軍事幽冀并平四州牧大將軍大
單于燕王承制封拜一如庾亮故事冬十二月儁遣使
至涼州約張重華共擊趙高句驪王釗送前東夷護軍

宋晃於雋雋赦之更名曰活拜為中尉

二年春二月雋使霸將兵二萬自東道出徒河慕輿根
自西道出蠕蠕塞雋自中道出廬龍塞三道竝進伐趙
以恪及鮮于亮為前鋒命輕車將軍慕輿盭槎山開道
留世子曄守龍城以內史劉斌為大司農與典書令皇
甫真留統後事霸軍至三陁趙征東將軍鄧恒惶怖焚
倉庫棄安樂遁去與幽州刺史王午共保薊徒河魯口
南部都尉孫泳急入安樂撲滅餘火藉其穀帛霸收安

樂北平兵糧與僞會於臨渠三月進次無終王午棄城
走留其將王他以數千人守薊乙巳僞攻陷薊城執他
斬之僞欲悉坑其士卒千餘人霸諫曰趙為暴虐王興
師伐之將以拯民於塗炭而撫有中州也今始得薊而
坑其士卒恐不可以為王師之先聲也乃釋之入都於
薊中州士女降者相繼兵至范陽范陽太守李產欲為
石氏拒燕衆莫為用乃率八城令長出降僞復以產為
太守產子績為幽州別駕棄家從王午在魯口鄧恒謂

午曰績鄉里在北父已降燕今雖在此恐終難相保徒
為人累不如去之午曰此何言也夫以當今喪亂而績
乃能立義捐家情節之重有侔古烈若懷嫌害之必駭
衆望恒乃止午猶恐終為恒所害乃資遣之及到儁責
其背親後主績曰臣眷戀舊主志存微節官身所在何
事非君殿下方以義取天下臣未謂得見之晚也儁悅
其言遂善待之夏四月儁以弟宜為代郡城郎孫泳為
廣寧太守悉置幽州郡縣守宰甲子儁使中部侯釐慕

輿句督剿中留事自將擊鄧恒於魯口軍至青梁恒將
鹿勃早將數千人夜襲燕營半已得入先犯前鋒都督
霸突入幕下霸起奮擊手殺數十人早不能進由是燕
軍得嚴雋謂慕輿根曰賊鋒甚銳宜且避之根正色曰
我衆彼寡力不相敵故乘夜來戰冀萬一獲利今求賊
得賊正當擊之復何所疑王但安枕而臥臣等自為王
破之雋不能自安內史李洪從雋出營外屯高冢上根
帥左右精勇數百人從中牙直前擊早李洪徐整騎隊

還助之早乃退走衆軍追擊四十餘里早僅以身免所
從士卒死亡畧盡儁引兵還薊秋八月代郡人趙檣帥
三百餘家叛燕歸趙并州刺史張平儁乃徙廣寧上谷
二郡民於徐無代郡民於凡城九月儁南徇冀州取章
武河間趙故章武太守賈堅帥部兵邀評戰於高城擒
之於陣斬首三千餘級遂以評為章武太守恪為河間
太守冬十月儁還薊留諸將守之還至龍城謁陵廟
三年春二月冉閔僭稱大號攻圍襄國趙主石祗危迫

遣故太尉張舉乞師許送傳國璽姚弋仲亦遣使來告
雋以悅綰為禦難將軍帥兵三萬往會之聞聞雋欲救
趙遣大司馬從事中郎廣寧常煒來聘雋引之觀下使
記室封裕詰之曰冉閔養息常才負恩篡逆有何祥應
而敢僭稱大號煒曰天之所與其致不同狼馬紀於三
王黃龍表於漢魏寡君應天馭歷能無祥乎且用兵殺
罰哲王盛典湯武親行誅放以興商周之業仲尼美之
魏武養於宦官莫知所出衆不盈旅終成魏氏之基苟

非天命安能成功推此而言何必致問况暴胡酷亂蒼
生屠膾寡君奮劍而誅除之黎元獲濟可謂功格皇天
勲侔高祖恭承乾命有何不可裕曰石祗去歲使張舉
請救云璽在襄國其言信否又聞冉閔初立鑄金為已
象以卜成敗壞而不成奈何言有天命煒曰誅胡之日
在鄴者畧無了遺璽何從而向襄國此求救之辭耳天
之神璽實在寡君且姦佞之徒欲借奇炫衆或改作萬
端以神其事寡君今已握乾符類上帝四海懸諸掌大

業集於身何所求慮而取信此乎鑄形之事所未聞也
雋既銳信舉言又欣於閔鑄形之不成也必欲審之乃
積薪置火其旁使裕以其私誘之曰君更熟思無為徒
取灰滅煒神色自若抗言曰石氏貪暴親率大兵攻燕
國都雖不克而還然志在必取故運資糧聚器械於東
北者非以相資乃欲相滅也魏主誅剪石氏雖不為燕
臣子之心聞仇讐之滅義當何如而更為彼責我不亦
異乎吾聞死者骨肉下於土精魂升於天蒙君之惠速

益薪縱火使僕得上訴於帝足矣左右勸殺之儁曰古者兵交使在其間此亦人臣常事彼不憚殺身以徇其主忠臣也且冉閔有罪使臣何與焉遂赦之使出就館夜遣其隣人趙瞻往勞之且曰君何不以實言王怒欲處君於遼碣之表奈何煒曰吾自結髮已來尚不欺布衣況人主乎曲意苟合性所不能直情盡言雖處東海不敢避也遂臥向壁不復與瞻言瞻具以白儁儁怒乃囚煒於龍城儁遂還薊三月渤海人逢約因趙亂擁衆

數千附於冉閔閔以約為渤海太守趙故太尉劉準

隗

兄子

土豪封放

奕之從弟也

別聚衆自守閔以準為幽州刺

史與約中分渤海僞使封奕討約使昌黎太守高開討

準放奕引兵直抵約壘遣人謂約曰相與鄉里隔絕日

久會遇甚難時事利害人各有心非所論也願單出一

相見以寫佇結之情約素信重奕即出見奕於門外各

屏騎卒單馬交語奕與論叙平生畢因說之曰與君累

世同鄉情相愛重誠欲與君享祚無窮今既獲展奉不

可不盡所懷冉閔乘石氏之亂奄有成資是宜天下服其強矣而禍亂方始固知天命不可力爭也燕王奕世載德奉義討亂所征無敵今已都薊南臨趙魏遠近之民襁負歸之民厭荼毒咸思有道冉閔之亡匪朝伊夕成敗之形昭然易見且燕王肇開王業虛心賢雋君能翻然改圖則功參絳灌慶流苗裔孰與為亡國將守孤城以待必至之禍哉約聞之悵然不言奕給使張安有勇力奕豫戒之俟約氣下安突前持其馬鞍因挾之而

馳至奕營奕與坐謂曰君計不能自決故相為決之非
欲取君以邀功乃欲全君以安民也高開至渤海準放
迎降儁以放為渤海太守準為右司馬與約參軍事以
約誘於人而過獲更其名曰釣夏五月廣義將軍岷山
公黃笛上表儁曰吾名號未異於前何便宜爾自今但
可白紙為疏秋八月儁遣恪畧地中山評攻王午於魯
口恪次唐城冉閔將白同中山太守上谷侯龕固守不
下留左將軍彪攻之恪南徇常山軍於九門閔趙郡太

守遼西李邺舉郡來降恪厚撫之將邺還遂圍中山侯
龕出降拜為中尉恪克中山斬白同遷其將帥士豪數
十家詣薊餘皆安堵評次南安王午遣其將鄭生來拒
評逆擊斬之悅綰還自襄國儁知張舉之妄而殺之常
煒有四男二女在中山儁釋煒之囚使諸子就見之煒
上疏謝恩儁手令敕曰卿本不為生計孤以州里相存
耳今大亂之中諸子盡至豈非天所念邪天且念卿況
於孤乎賜妾一人穀三百斛使居凡城以北平太守孫

興為中山太守興善於撫綏中山遂安冬十一月逢釣
亡歸渤海招集部衆以叛樂陵太守賈堅使人告諭鄉
人曉以禍福衆皆潰散釣復來奔庫偃官偉帥部衆自
上黨來降十二月儁如龍城丁零翟鼠率其所部來降
儁封鼠歸義王是歲儁觀兵近郊見甘棠於道周從者
不識儁曰唏此詩所謂甘棠於道甘者味之主也木者
春之行也五德屬仁五行主土春以施生味以養物色
又赤者言將有赫赫之慶於中土吾謂國家之盛此其

徵者也傳曰升高能賦可以為大夫羣司亦各書其志
吾得覽焉於是內外臣僚竝上甘棠頌

元璽元年春正月乙巳儁還薊稍徙軍中文武兵民家
屬於薊夏四月甲子鮮卑段勤初附於儁其後復叛儁
遣霸討勤於繹幕又遣評及相國封奕討冉閔於安喜
儁如中山為二軍聲勢閔將與燕戰大將軍董閔及車
騎將軍張溫切諫不聽進次安喜恪引兵從之閔趣常
山恪追之丙子及於派水

紀事本末云及於魏昌之廉臺

與閔十戰恪

皆不勝閔威名素振衆咸憚之恪巡陳諭諸將曰閔師老卒疲實難為用加其勇而無謀一夫之敵耳雖有甲兵不足擊也吾今分軍為三部犄角以俟之時閔所將多步卒而恪皆騎兵引兵將趣林中恪叅軍高開曰吾騎兵利平地若閔得入林不可復制宜急遣輕騎邀之既合而陽走誘致平地然後可擊也恪從之魏兵還就平地恪分軍為三部犄角以待謂諸將曰閔性輕銳又知吾軍勢非其敵必出萬死衝吾陣中

一作中軍

吾今貫甲

厚陣以俟其至諸君但厲卒從旁須其戰合夾而擊之
蔑不克矣遂方陣而前戰於魏昌廉臺閔師大敗斬首
七千餘級擒閔送之於薊己卯閔至薊雋立閔而責之
曰汝奴僕下才何自妄稱帝耶閔曰天下大亂汝曹凶
類桀鵠不馴尚欲篡逆我中土英雄何為不得稱帝也
雋怒鞭之三百斬於龍城高開被創而卒恪屯軍潯
呼沱閔將蘇彥遣其將金光帥騎數千襲恪恪擊斬之
彥大懼奔於并州恪進據常山霸軍又至繹幕段勤懼

與弟思聰舉城來降遂進攻鄴閔大將軍蔣幹輔閔子智閉城固守甲申雋遣評及中尉侯龕等帥精騎一萬攻鄴癸巳至鄴城外皆降劉寧及弟崇帥胡騎三千奔晉陽庚寅雋又遣廣威將軍軍殿中將軍慕輿根右司馬皇甫真等帥步騎二萬助評攻鄴是時司南車成雋大悅告於鉞廟鷺巢於正陽殿之西椒生三雛頂上有豎毛凡城獻異鳥五色成章雋謂羣僚曰是何祥也咸稱鷺者燕鳥也首有毛冠者言大燕龍興冠通天冕章


甫之象也巢正陽西椒者言至尊臨軒朝萬國之徵也
三子者數應三統之驗也神鳥五色言聖朝將繼五行
之籙以御四海者也僞覽之大悅六月甲子蔣幹帥銳
卒五千出城挑戰僞遣評等率騎一萬討之斬首四千
餘級幹單騎還鄴鄴北郡縣悉降相國封奕等一百二
十人勸稱尊號僞答曰吾本幽漠射獵之鄉被髮左衽
之俗厯數之籙寧有分邪卿等苟相褒舉以覲非望之
事實非寡德所宜聞也丙辰僞如常山王午聞魏敗時

鄧恒已死午自稱安國王秋八月戊辰儁遣恪及封奕陽騫討午於魯口進兵攻之午閉城自守送冉操詣燕軍恪等掠其禾稼而還庚午魏長水校尉馬願等開鄴城納燕兵戴施蔣幹懸縋而下奔於倉垣評等送冉閔妻董氏太子智太尉申鍾司空條攸等并乘輿服御及六璽於薊傳國璽蔣幹先已送晉儁欲神其事業言厯數在已乃詐云閔妻得之以獻賜號曰奉璽君封冉智為海濱侯申鍾為大將軍右長史以評為司州刺史鎮

鄴冬十月丁卯雋還薊故趙將擁兵據州郡者各遣使
來降雋以王擢為益州刺史變逸為秦州刺史張平為
并州刺史李歷為兗州刺史高昌為安西將軍劉寧為
車騎將軍恪進屯安平積糧治攻具將討王午丙戌中
山蘇林起兵於無極自稱天子恪自魯口還討林閏月
戊子雋遣殿中一作廣威將軍慕輿根助恪攻林斬之王午
為部將秦興所殺呂護殺興復自稱安國王恪等五百
五人奉皇帝璽共上尊號雋許之十一月丁亥署置百

官以相國封奕為太尉恪為侍中左長史陽騫為尚書
令右司馬皇甫真為尚書左僕射典書令張悌為右僕
射宋活為中書監韓恒為中書令其餘文武拜授各有
差戊辰僭即皇帝位於正陽殿大赦境內殊死已下建
元元璽國號大燕郊祀天地時晉永和八年也庚午下
令曰追崇祖考古人之令典也其追尊武宣王廐為高
祖武宣皇帝文明王旆為太祖文明皇帝時晉適遣使
詣僞僞謂之曰汝還白汝天子我承人乏為中國所推

已為天子矣乃改司州為中州置司隸校尉官建留臺
於龍城以玄菟太守乙逸為尚書專委留務



十六國春秋卷二十六